

ABAU

(Avaliación de Bacharelato para o Acceso á Universidade)

RECOPILOACIÓN LEXISLATIVA

Ata outubro de 2016 estaba prevista unha avaliación final necesaria para obter o título de bacharelato. Pero a situación política do país fixo que xurdiran acordos e en decembro de 2016 o Ministerio de Educación e as Comunidades Autónomas acordan modificar o calendario de aplicación da LOMCE e redefínese a avaliación final de bacharelato.

Publícase así o **Real Decreto lei 5/2016**, do 9 de decembro de medidas urxentes para a ampliación do calendario de implantación da LOMCE, e no seu primeiro artigo regúlase que esta proba de avaliación final non será necesaria para obter o título de bacharelato e realizárase exclusivamente para o alumnado que queira acceder a estudos universitarios, ata a entrada en vigor da normativa resultante do Pacto de Estado social e político pola educación.

A continuación a **Orde ECD/1941/2016**, do 22 de decembro, determina as características, o deseño e o contido da avaliación de Bacharelato para o acceso á Universidade, e as datas máximas de realización e de resolución dos procedementos de revisión das calificacións obtidas, para o curso 2016/2017.

Posteriormente en Galicia publícase a **Resolución conxunta da Secretaria Xeral de Universidades e da Dirección Xeral de Educación, Formación Profesional e Innovación Educativa do 21 de febreiro de 2017** pola que se ditan instrucións para a realización, dentro do curso 2016/2017, da Avaliación de Bacharelato para o Acceso á Universidade (ABAU).

Esta Resolución conxunta establece, na súa introdución, que as probas de acceso á universidade seguen estando reguladas pola Orde do 24 de marzo de 2011 pola que se regulan as probas de acceso ás ensinanzas universitarias oficiais de grao e o proceso de admisión ás tres universidades do sistema universitario de Galicia. Isto supón que para o que non se regula na Resolución da ABAU hai que remitirse á Orde do 24 de marzo de 2011, que sigue vixente nalgúns contidos.

Por último a **Comisión Interuniversitaria de Galicia (CIUG)** fixo públicas na súa **web**:

- As **Táboas de Ponderación** que se van a ter en conta para a Parte Voluntaria da ABAU.
- O **Calendario xeral da ABAU 2017** e de acceso á Universidade no curso 2017/2018.
- Tamén se pode consultar a oferta de prazas de cada titulación coas **notas de corte** do último curso.

CALES SON AS CONDICIÓN S DE ACCESO DESDE O BACHARELATO?

ACCESO: Obter o dereito a estudar en calquera universidade española, pública ou privada. Polo tanto este termo refírese a obter os requisitos que permiten ingresar na universidade. A nota de acceso á universidade é fixa e non varía dunha universidade a outra. Esta nota permanece para sempre, aínda que se pode repetir a ABAU para melloralala. Conséguese coa media das notas de bacharelato e coa media da parte obrigatoria da ABAU.

ADMISIÓN: Conseguir o acceso a un grao determinado nunha universidade particular, polo que a admisión pode ser diferente en diferentes universidades ao valorar diferente as materias das que te examines na ABAU. Poderase obter notas de admisión diferentes en función dos graos e universidades que se soliciten. Este termo refírese por tanto a conseguir a praza nun grao nun centro desexado. A nota de admisión pode ser a mesma ca de acceso, ou pode ser mellorada incorporando a nota ponderada dos exames realizados na parte voluntaria da ABAU. A nota dos exames da parte voluntaria "caduca" aos dous anos.

NOTA DE CORTE: É a nota de admisión do último solicitante que se matriculou nun grao e nunha universidade determinada. Non é unha nota establecida previamente por ningún organismo. Esta nota ten un valor orientativo e pode variar á baixa ou subir dependendo do número de solicitantes e do número de prazas ofertadas en cada grao. A CIUG publica cada ano as notas de corte establecidas na admisión dese curso para cada grao.

Para acceder aos estudos oficiais de grao desde o bacharelato, na convocatoria de 2017, hai que ter superada a Avaliación de Bacharelato para o Acceso á Universidade (ABAU), EXCEPTO o alumnado que se atope nalgunha das seguintes situacións:



- Alumnado que se incorporou no curso 2016/2017 a un curso de bacharelato LOMCE con materias non superadas do bacharelato do currículo anterior LOE (*pendente de regularse pola Consellería, refírese a todo o alumnado que repite 2º de bacharelato*).
- Alumnado que acadou o título de bacharelato no curso 2015/2016 e non accedeu á Universidade ao finalizar dito curso.

Nestes dous casos, cando este alumnado non se presente á ABAU, a calificación para o acceso á universidade será a **calificación final media obtida no bacharelato**. Pero este alumnado poderá mellorar a súa nota de admisión presentándose a calquera das partes da ABAU Parte Obrigatoria e/ou Parte Voluntaria. (*Isto tamén está pendente de regularse pola Consellería*).

O alumnado de **Formación Profesional** poderá acceder aos graos directamente coa nota media do Ciclo, e poderá subir nota presentándose á Parte Voluntaria da ABAU.

EN QUE CONSISTE A ABAU?

A proba de acceso á universidade divídese en **dúas fases**: unha chamada **Parte Obrigatoria**, e outra denominada **Parte Voluntaria**, con exames de materias vinculadas á rama de coñecemento universitario no que se inscribe o grao que queiras estudar.

Esta última fase é voluntaria, pero se a fas axudarache a subir a túa nota de acceso á universidade ata 4 puntos (poderías sacar un 14, nota máxima, en caso de acadaras un 10 en bacharelato). Se non a fas, a túa nota de acceso calcúlase sumando o 60% da túa nota de bacharelato, e un 40% da túa nota da Parte Obrigatoria. Neste último caso, a nota máxima que podes sacar é un 10. Máis adiante explicaremosche cómo decidir se presentarte á Parte Voluntaria ou non.

Os **exames** das materias das que te examinarás versarán sobre as materias xerais troncais da modalidade elixida en Bacharelato ademais de Lingua Galega e Literatura II (Parte obrigatoria) e das materias troncais de opción (Parte Voluntaria). Todas de 2º curso.

Estarán exentos da realización da proba de Lingua Galega e Literatura II, aqueles que estiveran exentos da materia en Bacharelato (exención oficialmente autorizada pola Consellería de Educación).

EN QUE CONSISTE A PARTE OBRIGATORIA?

Na Parte Obrigatoria examinaste das **materias xerais troncais cursadas en 2º de bacharelato**. Consta dos seguintes exercicios:

- ✓ **Primeiro exercicio:** Lingua Castelá e Literatura II. Consiste en facer un comentario por escrito, dun texto non especializado e de carácter informativo ou divulgativo, relacionado coas capacidades e cos contidos desta materia. O exercicio presentará dúas opcións diferentes entre as que deberás elixir unha.
- ✓ **Segundo exercicio:** Lingua Galega e Literatura II. Igual que no primeiro exercicio pero relacionado cos contidos desta materia. Tamén terás dúas opcións das que deberás elixir unha. Pódese solicitar a exención deste exercicio no impreso de matrícula da proba de acceso, se se estivo exento da materia en bacharelato.
- ✓ **Terceiro exercicio:** Historia de España. Consistirá na resposta por escrito a unha serie de cuestións da materia, nun formato de resposta que deberá garantir a aplicación dos criterios obxectivos de avaliación previamente aprobados.
- ✓ **Cuarto exercicio:** Primeira Lingua estranxeira. Para este exercicio podes elixir entre alemán, francés, inglés, italiano e portugués, sempre que a cursaras en 2º de bacharelato como Primeira Lingua estranxeira. Ao igual que no exercicio anterior, na solicitude de inscrición debes indicar de qué lingua estranxeira podes examinarte. Este exercicio valora a comprensión oral e lectora e a expresión oral e escrita e non se poderá empregar o dicionario nin ningún outro material didáctico.
- ✓ **Quinto exercicio:** Materia xeral troncal vinculada á modalidade cursada en 2º de bacharelato. É dicir, dunha das materias troncais asociadas a unha das tres modalidades que se cursan en Bacharelato: Artes (Fundamentos da Arte II), Ciencias (Matemáticas II), ou Humanidades (Latín II) e Ciencias Sociais (Matemáticas Aplicadas ás CCSS II). Na solicitude de inscrición na proba de acceso, deberás indicar que materia de modalidade de 2º de bacharelato cursaches. O exercicio tamén presentará dúas opcións diferentes entre as que deberás elixir unha, e consistirá na resposta por escrito a unha serie de cuestións sobre a materia.

Cada un destes exercicios terá unha duración máxima dunha hora e media (90 minutos). Haberá un intervalo mínimo de 30 minutos entre o final dun exercicio e o comenzo do seguinte.

Para cada exercicio pódese utilizar calquera das linguas oficiais da Comunidade Autónoma, excepto para Lingua Castelá, Lingua Galega e Lingua estranxeira, que deberá realizarse nos seus respectivos idiomas.

Cada un dos exames desta fase xeral puntúase de 0 a 10 puntos, con tres cifras decimais, redondeada á milésima máis próxima e en caso de equidistancia á superior.

COMO SE CALCULA A NOTA DA PARTE OBRIGATORIA?

Cada un dos exercicios da Parte Obrigatoria cualificarase entre 0 e 10 puntos, con dúas cifras decimais.

A nota da parte obrigatoria será a **media aritmética das cualificacións de todos os exercicios**, expresada en forma numérica de 0 a 10, con tres cifras decimais, arredondada á milésima máis próxima e en caso de equidistancia á superior.

Poñamos un **exemplo**:

Primeiro exercicio: 7'30
Segundo exercicio: 4'20
Terceiro exercicio: 5'90
Cuarto exercicio: 6'10
Quinto exercicio: 7'80

Nota desta Parte Obrigatoria: $7'30 + 4'20 + 5'90 + 6'10 + 7'80 = 31'30/5 = 6'260$

QUE NOTA NECESITO PARA SUPERAR A PROBA DE ACCESO Á UNIVERSIDADE?

Considérase superada cando se obteña unha nota igual ou maior a 5 puntos na media ponderada entre a cualificación obtida na Parte Obrigatoria da ABAU (que conta un 40%) e a nota media de Bacharelato (que conta un 60%), e que se expresará con dous decimais, sempre que se acadara un **mínimo de 4 puntos na cualificación da Parte Obrigatoria**.

Se acadas un 4 na Parte Obrigatoria necesitarás ao menos un 5'67 en Bacharelato para superar a ABAU. O cálculo é así: $(5'67 * 0'60) + (4 * 0'40) = 5$. Se acadas menos dun 5'67 en Bacharelato, necesitarás acadar máis dun 4 na ABAU para que a media ponderada sexa ao menos o 5 necesario para aprobar.

Para o cálculo da nota media de bacharelato, para efectos de acceso á universidade, compútanse todas as materias cursadas en bacharelato.



A cualificación da Parte Obrigatoria terá validez indefinida, sempre que se teña superada a proba de avaliación de Bacharelato para o acceso á Universidade.

EN QUE CONSISTE A PARTE VOLUNTARIA?

Mentres que a Parte Obrigatoria é imprescindible superala para acceder a calquera grao, a Parte Voluntaria é **completamente optativa** e permíteche sumar ata 4 puntos a túa nota de admisión.

✚ En que consisten os exercicios da Parte Voluntaria?

Consistirá na resposta por escrito a unha serie de cuestións adecuadas ao coñecemento e capacidades que deban ser avaliadas cun formato de resposta que garanta a aplicación dos criterios obxectivos de avaliación.

A duración de cada exercicio será dunha hora e media (90 minutos) e haberá un intervalo de 30 minutos entre o final dun exercicio e o comezo do seguinte. Terás dúas opcións das que terás que elixir unha e poderás contestar en Lingua Castelá ou Lingua Galega.

Na solicitude de matrícula deberás indicar as materias das que te examinarás.

✚ A que materias me poden presentar na Parte Voluntaria?

Na Parte Voluntaria cada estudante poderá examinarse dun máximo de **catro materias** que poderá escoller de entre as materias de opción do bloque das materias troncais de calquera modalidade, e/ou das materias xerais troncais de modalidade distintas daquela da que se examinen na Parte Obrigatoria, todas de 2º curso de bacharelato.

Nesta parte non é obrigatorio ter cursado as materias en 2º de bacharelato así que poderase escoller materias doutra modalidade ou itinerario.



Ten en conta que para mellorar a nota de admisión vaise considerar tamén a nota ponderada da materia troncal xeral vinculada á túa modalidade, da cal te examinache na Parte Obrigatoria.

Así que se decides presentarte a máis de unha materia na Parte Voluntaria (podes presentarte ata catro), só terán en conta as **dúas mellores notas, contando tamén coa nota da materia troncal xeral**.

✚ Que materias escollo para examinarme na Parte Voluntaria?

Debes examinarte das materias que se corresponden, en xeral, coa rama de coñecemento onde se inscribe a titulación que che interesa, e concretamente, que ponderan o seu valor para o grao ou graos aos que desexas acceder.

Dentro de cada rama universitaria, cada universidade poderá sinalar as materias concretas que considera prioritarias para un determinado título. Así que se xa sabes que titulación queres estudar e en que universidade, o mellor é que consultes directamente na universidade que che interesa as súas **táboas de ponderación**. As universidades están publicando estes datos (táboas de ponderación) nas súas webs e adoitan ser comúns para todas as universidades dunha mesma comunidade (como é o caso de Galicia).

As materias da Parte Voluntaria podes elixilas libremente. Non é necesario que pertencan á túa modalidade, nin sequera é necesario que as cursaras.

Por exemplo, imaxina que estudaches o bacharelato de Ciencias Sociais, pero queres estudar Terapia Ocupacional. Pois neste caso, na Parte Voluntaria, debes examinarte de materias vinculadas á rama de coñecemento de Ciencias da Saúde porque Terapia Ocupacional está adscrita á rama de Ciencias da Saúde.

Obviamente, será máis fácil superar a Parte Voluntaria se estudaches a modalidade de bacharelato relacionada (neste caso Ciencias), pero nada che impide optar á titulacións "fóra" da túa modalidade.

Se a túa nota de admisión é suficiente para obter unha das prazas de Terapia Ocupacional, poderás acceder igualmente a este grao aínda que cursaras un bacharelato de Ciencias Sociais. Pero se desexas mellorar a nota so te poderías presentar ás materias de Ciencias da Saúde, que segundo ás táboas de ponderación son Matemáticas II, Física, Química e Bioloxía.

É moi **importante** decidir ben que materias escoller para examinarse desta parte pois cada un dos exames voluntarios suporá sumar como mínimo medio punto á túa nota de admisión, e ata dous puntos se a universidade sinalou esa materia como unha das prioritarias.

Convén escoller sempre materias que **ponderan 0'2** na Parte Voluntaria porque un 5 nunha materia que pondera 0'2 ($5'00 * 0'2 = 1$) é igual que un 10 nunha materia que pondera 0'1 ($10'00 * 0'1 = 1$).

COMO SE CALCULAN OS PUNTOS QUE OBTENHO PRESENTÁNDOME Á PARTE VOLUNTARIA?

As cualificacións dos exames desta parte irán de 0 a 10 e para que contén é necesario acadar un 5.

Cada unha das materias da Parte Voluntaria das que te examines serán cualificada entre 0 e 10 puntos, con dúas cifras decimais.

A notas que acadas en cada materia multiplícanse por 0'2 ou 0'1 segundo as táboas de ponderación.

Estes resultados logo súmanse e engádense á túa nota de acceso, que é a media ponderada entre a túa nota de bacharelato e a túa nota da Parte Obrigatoria.

No mellor caso, se te examinas de dúas materias que ponderan 0'2 para a titulación que queres estudar, e acadas un 10 en ambas, sumarás o **máximo de 4 puntos** adicionais directamente á túa nota de admisión. Calcúlase así: $(10 * 0'2) + (10 * 0'2) = 4$

Poñamos outro **exemplo**:

- Nota de Bacharelato: 7'80

- Nota da parte obrigatoria: 7'200

- **Nota de acceso:** $(0'60 * 7'80) + (0'40 * 7'200) = 7'560$

Parte Voluntaria:

- Materia 1 (pondera 0'2): 9'20

- Materia 2 (pondera 0'1): 8'40

- Puntos adicionais: $(9'20 * 0'2) + (8'40 * 0'1) = 2'68$

- **Nota de admisión:** $7'560 + 2'68 = 10'240$

Non se ponderará a cualificación obtida nunha materia cando non se acade nesta unha puntuación igual ou superior a cinco (≥ 5) puntos.



Pero para mellorar a nota de admisión terase tamén en conta a cualificación obtida na materia xeral troncal da Parte Obrigatoria, vinculada a cada modalidade (Matemáticas II, Latín II, Matemáticas Aplicadas ás Ciencias Sociais e Fundamentos da Arte II), sempre e cando a cualificación acadada nesa materia sexa igual ou superior a 5 puntos. **Así que en realidade dispónse de 5 posibles materias para mellorar a nota de admisión, a troncal (da Parte obrigatoria) e 4 materias (da Parte Voluntaria).**

Lembra que se decides examinarte a máis de unha materia na Parte Voluntaria, só se terán en conta as dúas mellores notas acadadas, contando tamén coa nota da materia troncal xeral vinculada.

Aos efectos de ponderación a cualificación das materias da **Parte Voluntaria** e da materia troncal de modalidade da Parte Obrigatoria terán **validez durante os dous cursos** académicos seguintes a súa superación; así, por exemplo, para alguén que superase a/as materia/s obxecto de exame na Parte Voluntaria da proba na convocatoria ordinaria ou extraordinaria do ano 2017, a validez destas será para o acceso á universidade no curso 2017-2018 e 2018-2019.

DEBERÍA PRESENTARME Á PARTE VOLUNTARIA?

A recomendación é moi sinxela. Se a titulación que queres estudar non ten límite de prazas na universidade onde queres estudar, non che fai falta que te examines da Parte Voluntaria. Só necesitas aprobar a Parte Obrigatoria para entrar nesa titulación, pois a ABAU supérase unicamente tendo en conta a túa nota na Parte Obrigatoria.

A Parte Voluntaria, en caso de non superala, non afecta á nota de acceso obtida, só serve para subir nota. Se suspendo os exames da Parte Voluntaria non me baixarán a nota da ABAU. Para que o resultado destes exames che permita subir a nota debes acadar unha puntuación mínima de 5.

Conclusión: Se a titulación que che interesa ten as prazas limitadas, deberías facer a Parte Voluntaria. Do contrario, por moi boas notas que teñas, arríscaste a quedar fóra. Ten en conta tamén, que actualmente, **todas as titulacións do Sistema Universitario Galego teñen límite de prazas.**

PODEREI TER DIFERENTES NOTAS DE ADMISIÓN?

Sí. Un estudante terá diferentes notas de admisión en función das universidades e titulacións nas que solicite admisión.

Poñamos un **exemplo** dun estudante que ten as seguintes notas e que quere estudar Medicina:

- Nota media de bacharelato: 9´00
- Nota da Parte Obrigatoria: 8´00
- Nota de acceso antes de realizar a Parte Voluntaria: $(0´60 \cdot 9´00) + (0´40 \cdot 8´00) = 8´600$

Parte Voluntaria:

- Materia 1: Química 8'50
- Materia 2: Biología 8'20
- Nota da materia troncal xeral (matemáticas II): 7'00

Na universidade onde quere estudar Medicina tanto Química como Biología teñen multiplicador de 0'2.

No caso deste estudante, a súa nota de admisión para **Medicina** nesta Universidade sería: $(0'60 * 9'00) + (0'40 * 8'00) + (0'2 * 8'50) + (0'2 * 8'20) = 11'940$

Para Medicina non se terá en conta a nota de matemáticas II para mellorar a nota de admisión porque en Química e Biología acadou mellores notas e ademais ponderan 0'2, matemáticas II sólo pondera 0'1.

Se ademais decide solicitar praza noutra titulación da mesma rama de coñecemento (Ciencias da Saúde), como **Psicología**, onde Química e Biología ponderan 0'1 e matemáticas II pondera 0'2, a súa nota de admisión sería:
 $(0'60 * 9'00) + (0'40 * 8'00) + (0'1 * 8'50) + (0'2 * 7'00) = 10'85$

Polo tanto, os estudantes que soliciten praza en diferentes estudos e universidades, terán diferentes notas de admisión que se calcularán en función da ponderación (0'1 ou 0'2) das materias ás que se presentou na Parte Voluntaria e que pode variar dependendo da titulación.

PODERIA ENTRAR NUN GRAO COMO PSICOLOXÍA AINDA QUE O MEU BACHARELATO SEXA O DE ARTES?

En principio sí. Cando un estudante quere acceder a un grao onde hai máis demanda que oferta, a admisión faise por orde estrito da nota de admisión.

Quizais penses entón que a modalidade de bacharelato que se estuda non ten tanta importancia pois un estudante de Artes pode solicitar praza para estudar un grao doutra rama, como por exemplo en Psicología. Efectivamente é posible, pero non hai que esquecer que os graos máis demandados teñen materias vinculadas que permiten aos estudantes subir nota. E se para Psicología as materias de Matemáticas II, Biología e Química, entre outras, permiten sumar puntos na nota de acceso á universidade, lógicamente un estudante que se preparou no Bacharelato de Ciencias terá moitas máis posibilidades de subir nota, que un estudante que cursou o Bacharelato de Artes, onde non estudou ningunha desas materias vinculadas.

Por outra banda, hai que pensar que o Bacharelato debe darche unha base para levar o grao con éxito. Se por exemplo un estudante que cursa o Bacharelato de Artes decide solicitar praza nunha enxeñaría que ten unha nota de corte de 5'00, é 100% seguro que entrará no grao. Pero o máis probable é que a abandone, pois é moi difícil seguir o ritmo das clases sen ter unha base previa.

SE SUPERO A PROBA, PODO VOLVER A PRESENTARME PARA MELLORAR A NOTA?

Sí. Haberá **dúas convocatorias anuais**: ordinaria (xuño) e extraordinaria (setembro). Poderás presentarte en sucesivas convocatorias para mellorar a cualificación da Parte Obrigatoria ou de calquera das materias da Parte Voluntaria. Considérase

sempre a cualificación superior entre as obtidas. A superación da Parte Obrigatoria da proba terá validez indefinida pero a cualificación das materias da Parte Voluntaria terá validez nos dous cursos seguintes á súa superación.

Debes ter en conta que en setembro podes repetir a fase que queiras para subir nota, pero aínda que acadas mellor nota non terás prioridade para entrar nese ano sobre os de xuño pois estes xa foron admitidos e matriculados. Se queres ter prioridade deberás esperar ao ano seguinte para solicitar praza no período ordinario, que é en xuño.

SE NON ESTOU DE ACORDO COAS NOTAS, COMO PODO RECLAMAR?

Cando publiquen as cualificacións se non estás de acordo, podes presentar unha reclamación por algunha destas dúas vías:

➤ 1º) Reclamación ante a comisión organizadora:

O exame non volve a corrixirse. Os exercicios sobre os que se presenta a solicitude de reclamación serán revisados por un profesor diferente co obxecto de verificar que todas as preguntas están puntuadas, que todas as cuestións foron avaliadas cunha correcta aplicación dos criterios xerais de avaliación e específicos de corrección e que as notas están ben sumadas. **A cualificación definitiva da materia será a que resulte desta revisión, sempre que sexa superior á outorgada despois da primeira corrección, agás nos casos de erros de suma, en que a cualificación será a que resulte correcta.** Esta vía exclúe a posibilidade de solicitar despois a segunda corrección.

➤ 2º) Solicitar segunda corrección:

O estudante solicitará unha segunda corrección dos exercicios nos que considere incorrecta a aplicación dos criterios xerais de avaliación e específicos de corrección. **O exame será corrixido por un profesor especialista diferente ao que fixo a primeira corrección.** Coas dúas cualificacións faise a media aritmética e o resultado será a nota final. Esta pode ser igual, superior ou inferior á primeira cualificación. Se entre a corrección inicial e a segunda corrección houberse unha diferenza de 2 ou máis puntos, farase unha terceira corrección. A cualificación final será a media aritmética das tres cualificacións. Se o alumno non está conforme co resultado da segunda corrección, ou coa terceira se a houbera, pode presentar unha reclamación ante a Comisión Organizadora. A cualificación definitiva da materia será a que resulte desta revisión, sempre que sexa superior á outorgada despois da segunda corrección.

O **prazo** para solicitar calquera dos dous procedementos será de **tres días hábiles dende a data de publicación das notas.** A solicitude preséntase nos LERDs cun impreso específico ou directamente a través da aplicación Nerta. O estudante ten dereito, previa solicitude, a ver o exame corrixido unha vez finalizado na súa totalidade o proceso de corrección e reclamación, no prazo de 10 días, na data e lugar que se lle indique.

➤ 3º) Outros recursos:

Contra a resolucións adoptadas pola Comisión Organizadora, que porá fin á vía administrativa, poderá interpoñerse, no **prazo dun mes**, recurso potestativo de reposición perante a propia comisión. Neste caso non se poderá interpoñer o recurso contencioso-administrativo mentres non se dite resolución expresa ou presunta do recurso potestativo de reposición.

QUE É MELLOR, RECLAMACIÓN OU SEGUNDA CORRECCIÓN?

A resposta non está clara. Pero ten en conta que trala segunda corrección aínda podes solicitar unha reclamación, mentres que se realizas a reclamación como primeira opción logo non terás posibilidade de solicitar novas correccións. Na reclamación a nota resultante será a maior das dúas, na segunda corrección a nota resultante será unha media das dúas correccións.

ALUMNADO CON NECESIDADES EDUCATIVAS ESPECIAIS (NEE)

Para o alumnado con NEE adoptaranse as medidas necesarias para asegurar a igualdade de oportunidades, como: adaptación de tempos, elaboración de modelos especiais de exame, posta á disposición do alumnado dos medios materiais e humanos, asistencias, apoios e axudas técnicas que precise para a realización da proba, así como a garantía de accesibilidade á información e comunicación dos procesos e do recinto ou espazo físico onde esta se desenvolva.

A avaliación do alumnado con NEE derivadas de discapacidade tomará como referencia as adaptacións curriculares realizadas que se realizaron ao logo da etapa de bacharelato.

Particularmente, contemplaranse medidas de flexibilización e metodolóxicas na avaliación de lingua estranxeira para o alumnado con discapacidade, en especial para alumnado con discapacidade auditiva, con dificultades na súa expresión oral e/ou trastornos da fala. Estas adaptacións en ningún caso se terán en conta para minorar as cualificacións obtidas.

O alumnado que requira estas adaptacións deberá solicitar as medidas ao presidente do Tribunal Único da proba. As solicitudes, deberán facerse a través dos Departamentos de Orientación dos centros de Educación Secundaria nos que o alumnado cursase os estudos de Bacharelato.

CONVOCATORIAS DA ABAU

No curso 2016/2017 realizaranse **dúas convocatorias**: unha ordinaria e outra extraordinaria.

DATAS DA CONVOCATORIA DE XUÑO: 7, 8 e 9 (mércores, xoves e venres)

DATAS DA CONVOCATORIA DE SETEMBRO: 12, 13 e 14 (martes, mércores e xoves)

O alumnado que neste curso 2016/2017 participou na convocatoria ordinaria poderá presentarse para a mellora das cualificacións na convocatoria extraordinaria. Terase en conta a cualificación obtida sempre que sexa superior a anterior.

PROCESO DE ADMISIÓN ÁS ENSEÑANZAS UNIVERSITARIAS OFICIAIS DE GRAO DO SISTEMA UNIVERSITARIO DE GALICIA

O proceso de acceso constará de **dúas convocatorias de preinscripción**: Ordinaria (xuño) e extraordinaria (setembro). As datas para a entrega de solicitudes de acceso serán as mesmas para todo o sistema universitario de Galicia están publicadas na web da CIUG.

Todos os trámites administrativos do proceso de acceso, o alumnado deberá facelos a través da **aplicación NERTA ou no LERD** (lugar de entrega e recollida de documentación), que están repartidos polos diversos campus de Galicia. Deberá elixir o LERD do campus escollido en primeiro lugar na solicitude de preinscripción.

https://www.edu.xunta.es/nerta/alumnado/PaxinaSolicitudContaAlumnosGaliza.do;jsessionid=07F22EEC8F6B8AD46E17700438BE5B2B.server_prod-j2ee35

O alumnado deberá cubrir un único impreso de solicitude ou solicitude online en Nerta, onde poderá indicar ata **cinco titulacións universitarias diferentes**, cun máximo de dez peticións no caso de que a ensinanza se imparta en máis dun centro de Galicia.

Resérvanse prazas para determinados colectivos (cupos):

- Os que acceden por proba para maiores de 25 anos: 2%
- Os maiores de 40 anos que acrediten experiencia laboral: 1%
- Os que superen a proba de acceso para maiores de 45 anos: 2%
- Os que teñan recoñecido un grao de discapacidade igual ou superior ao 33%: 5%
- Deportistas de alto nivel: 3%
- Os que teñan xa unha titulación universitaria: 2%

A **orde de adxudicación das prazas** é a seguinte:

1º Primeiro adxudícanse as prazas a quen cumpra os requisitos en xuño deste curso ou en xuño ou setembro de anos anteriores.

2º En segundo lugar, adxudícaranse prazas aos estudantes que cumpran os requisitos de acceso en setembro.

En todo caso, deberase ter en conta que o alumnado que presente a preinscripción na convocatoria de setembro, terá prioridade só en setembro, aínda que cumpra os requisitos en xuño deste ano ou en anos anteriores.

En cada colectivo do apartado anterior adxudícaranse as prazas por maior nota de admisión.

A CIUG asignará as prazas en cada titulación en cada un dos prazos que se establezan. Haberá 8 adxudicacións. Saen **3 listados de admitidos ao longo do mes de xullo e 3 en setembro e dous en outubro**. Os dous últimos listados inclúen ao alumnado que fixo a preinscripción en setembro. Despois de cada listado dispónse de **tres días para realizar a matrícula**. Se o alumno foi admitido na titulación de maior preferencia, deberá facer a matrícula nos tres días seguintes, pois do contrario perderá todos os seus dereitos. **De ser admitido nunha de menor preferencia pode matricularse ou esperar a ver se é admitido nunha titulación de maior preferencia ata que se anuncie o peche da matrícula nesa titulación**. No seguinte apartado podes ler a información literal e detallada publicada na web da CIUG sobre o proceso de matriculación.

Poderase consultar os listados de espera en Internet, accedendo co contrasinal, e valorar a posición na que se atopa na lista de espera.

O alumnado poderá presentar reclamación á súa asignación de prazas no LERD onde presentou a súa solicitude de acceso.

Máis información en:

<http://ciug.gal/>



Páxina oficial de Información sobre o acceso á universidade e ABAU en Galicia : notas de corte, ponderacións, prazos, listados, calendarios e horarios da ABAU, enlace coas universidades de toda España, matrícula na universidade,

PROCEDIMENTO PARA MATRICULARSE NA UNIVERSIDADE

(Información literal da web da CIUG)

1. PRIMEIRA CONVOCATORIA DE MATRÍCULA:

- Se o solicitante aparece convocado para matricularse na titulación da súa primeira preferencia, deberase matricular no prazo establecido, do contrario perderá todos os seus dereitos.
- Se o solicitante aparece convocado para matricularse nunha titulación que non sexa a de primeira preferencia, poderá esperar a matricularse nela en tanto non se peche a matrícula nas titulacións solicitadas con maior preferencia. No caso de matricularse nela ou en calquera outra titulación sen límite de prazos, decae dos seus dereitos de continuar no proceso de ingreso en titulacións con límite de prazos.

2.SUCESIVAS CONVOCATORIAS DE MATRÍCULA:

Despois da primeira convocatoria de matrícula poden quedar prazos vacantes como consecuencia de que algún dos alumnos convocados non formalice a súa matrícula. Neste caso, sobre as prazos vacantes realizarase unha reasignación automática de acordo cos mesmos criterios cos que se fixo a primeira convocatoria e convocaranse aos alumnos para formalizar a matrícula, nos sucesivos prazos sinalados no calendario de matrícula.

As sucesivas convocatorias de matrícula anunciaranse nos LERD, na CiUG e na páxina web da CiUG.

Nestas convocatorias sucesivas o alumnado pódese atopar nos seguintes supostos:

- Se o alumno/a é convocado/a para matricularse na titulación da súa primeira preferencia, deberá facer a matrícula, pois do contrario perderá todos os seus dereitos. Nota: Enténdese por primeira preferencia aquela que o alumno/a solicitou no primeiro lugar ou en lugares sucesivos no caso de se esgotaren as prazos ("peche") das titulacións solicitadas nas primeiras preferencias.
- Se o alumno/a é convocado/a para matricularse nunha titulación de menor preferencia, poderá facer a matrícula ou non.

De facela, a matrícula considerarase firme e non terá a oportunidade de cambiarse a outra titulación. De non facela, poderá esperar a matricularse nunha titulación de maior preferencia ata o peche da matrícula nestas, o que se anunciará coa publicación dos sucesivos listados de admitidos e de espera.

O peche de matrícula dunha determinada titulación implica a desaparición automática das listas de espera, de xeito que non se volverá a abrir de novo a matrícula desa titulación. **A formalización da matrícula realízase online, accedendo aos enlaces de cada unha das universidades de Galicia, e que están disponibles na páxina web da CIUG.**

DATAS IMPORTANTES A TER EN CONTA

Por último non esquezas consultar na **web da CIUG** as datas importantes da ABAU e da preinscrición na universidade según o calendario publicado. Aquí podes ver un resumo:

DATAS IMPORTANTES ANTES DA ABAU			
		MAIO - XUÑO	SETEMBRO
ULTIMO DÍA PARA A AVALIACIÓN EN BACHARALETO	PARA A 2º	22 de maio. • Reclamación no centro: 23 e 24 maio • Reclamación na Consellería: 29 de maio	5 de setembro • Reclamación no centro: 5 e 6 • Reclamación na Consellería: 7 ata as 18'00h.
PRE -MATRÍCULA DA ABAU NOS CENTROS		23, 24, 25, 26 de maio	6 de setembro
MATRÍCULA ORDINARIA NA ABAU		30 e 31 de maio	7 de setembro
MATRÍCULA EXTRAORDINARIA ABAU (para quen titule en Bach. despois das reclamacións na Consellería)		5 de xuño de 9'00h a 14'00h	11 de setembro de 9'00h a 14'00h
CONSULTA EN NERTA DA LISTAXE PROVISIONAL DE MATRICULADOS E RECLAMACIÓN SE PROCEDE		2 de xuño a partir das 9'00h. (hai que revisar os datos contidos nas listaxes).	7 de setembro a partir das 14'00h.
DATA DOS EXAMES DA ABAU		7, 8, 9 de xuño.	12, 13 e 14 de setembro.

DATAS IMPORTANTES DESPOIS DA ABAU			
		MAIO - XUÑO	SETEMBRO
PUBLICACIÓN DAS CUALIFICACIÓN		16 de xuño por correo electrónico	21 de setembro
SOLICITUDE DE RECLAMACIÓN OU DOBRE CORRECCIÓN (1º prazo)		Do 17 ao 20 de xuño ata as 14'00h. Resolución: 21 de xuño.	Do 22 ao 26 de setembro ata as 14'00h. Resolución: 27 de setembro.
SOLICITUDE DE RECLAMACIÓN Á DOBRE CORRECCIÓN (2º prazo)		Do 23 ao 27 de xuño ata as 14'00h. Resolución: 28 de xuño	Do 29 de setembro ao 3 de outubro ata as 14'00h. Resolución: 4 de outubro
PUBLICACIÓN DAS CUALIFICACIÓN DEFINITIVAS		28 de xuño (por correo electrónico)	4 de outubro (por correo electrónico)
PREINSCRIPCIÓN NA UNIVERSIDADE		Do 5 ao 30 de xuño – Anticipada Do 19 ao 30 de xuño – Ordinaria Do 3 ao 4 de xullo – Extraordinaria	Do 25 ao 29 de setembro – Ordinaria 5 de Outubro – Extraordinaria
MATRÍCULA NA UNIVERSIDADE		Ao longo dos meses de xullo e setembro publicaranse seis listaxes de admitidos con tres días para a matrícula	No mes outubro publicaranse dous listados de admitidos con 3 días para a matrícula

LISTAXES DE ADMITIDOS NA UNIVERSIDADE	DATAS PARA A MATRÍCULA 2017	
1º LISTADO	11 DE XULLO	12, 13, 14 de xullo
2º LISTADO	18 DE XULLO	19, 20, 21 de xullo
3º LISTADO	26 DE XULLO	27, 30, 31 de xullo
4º LISTADO	1 DE SETEMBRO	4, 5, 6 de setembro
5º LISTADO	8 DE SETEMBRO	11, 12, 13 de setembro
6º LISTADO	18 DE SETEMBRO	20, 21, 22 de setembro
7º LISTADO	6 DE OUTUBRO	9, 10, 11 de outubro
8º LISTADO	17 DE OUTUBRO	18, 19, 20 de outubro

CADRO RESUMO MATERIAS ABAU

		CIENCIAS	HUMANIDADES	CIENCIAS SOCIALES	ARTES
PARTE OBLIGATORIA	Tres materias troncales generales	Historia de España Lengua Castellana y Literatura II Primera Lengua Extranjera II (la materia cursada)			
	Materia Lengua Cooficial y Literatura	Lingua Galega e Literatura II			
	Una materia troncal general según modalidad e itinerario	Matemáticas II	Latín II	Matemáticas aplicadas a las ciencias sociales II	Fundamentos del Arte II
PARTE VOLUNTARIA PARA SUBIR NOTA	UNA, DOS o TRES materias troncales de opción a escoger. No es obligatorio haberlas cursado y se podrá escoger materias de otra modalidad o itinerario.	Biología Dibujo técnico II Física Geología Química	Economía de la Empresa Geografía Griego II Historia del Arte Historia de la Filosofía	Artes Escénicas Cultura Audiovisual II Diseño	

RECURSOS WEB

✓ **NERTA**

https://www.edu.xunta.es/nerta/alumnado/PaxinaSolicitudContaAlumnosGaliza.do;jsessionid=07F22EEC8F6B8AD46E17700438BE5B2B.server_prod-j2ee35

✓ **CIUG**

<http://ciug.gal/>

✓ **NOTAS DE CORTE**

<http://ciug.gal/PDF/oferta1617.pdf>

✓ **PONDERACIONES MATERIAS**

<http://ciug.gal/PDF/pondera17.pdf>

✓ **LERDS**

<http://ciug.gal/lerds.php>

✓ **USC**

<http://www.usc.es/>

✓ **UNI VIGO**

<https://uvigo.gal/>

✓ **UNI CORUÑA**

<https://www.udc.es/>

✓ **SERVIZOS ORIENTACIÓN UNIVERSIDADES**

- Guía graos universitarios

<https://drive.google.com/file/d/0B4kxH9HDVZCbbnRwWWIWam91cWM/view>

- USC Oficina de información universitaria
<http://www.usc.es/es/servizos/oiu/index.jsp>
- Uni Vigo – SIOPE
http://www.uvigo.gal/uvigo_es/administracion/extension/funcions/siope
- Uni Coruña – SAPE
<https://www.udc.es/sape/contacto/>

✓ **FP XUNTA**

<https://monicadizorienta.blogspot.com.es/2015/01/guia-para-informarse-da-formacion.html>

- Oferta clasificada por familia profesional
http://www.edu.xunta.es/fp/webfm_send/6634

✓ **BOLSAS**

- Xunta de Galicia
<http://www.edu.xunta.gal/portal/node/20143>
- MECD
<http://www.mecd.gob.es/servicios-al-ciudadano-mecd/catalogo/general/educacion/050130/u/050130-u-2016.html>

✓ **RESIDENCIAS UNIVERSITARIAS**

- USC
<http://www.usc.es/gl/servizos/sur/index.html>
- Uni Vigo
http://estudiantes.uvigo.es/estudiantes_gl/siope/servizos/index.html
- Uni Coruña
https://www.udc.es/export/sites/udc/sape/galeria_down/descarga_documentos/RESIDENCIAS_2015-2016.pdf

✓ **GUÍAS SAÍDAS PROFESIONAIS**

http://estudiantes.uvigo.es/estudiantes_gl/siope/guia/

✓ **QUE ESTUDAR E DONDE**

<https://www.educacion.gob.es/notasdecorte/compBdDo>